群

然至

識

小

今色足恭章釋文云一本此章首有子曰字恐非三字奚其爲爲政下釋文有也字吾與女釋文作爾巧 釋病則此有病字非子有亂臣十人釋文無臣字注云病子路請禱鄭本無病字釋文云案集解於子罕篇始行必有我師爲釋文三人上有我字必有作必得子疾 奚其為為政下釋文有也字吾與女釋文作爾巧言所傳論語本較釋文多異如患不知人也釋文無人 亂臣十人非沒 附錄卷六 附 階 進翼如也釋文無進字 郵李停著

文無也字吾得而食諸釋文吾字下有焉字子言衛靈 是一字後世必為子孫憂釋文無後世一字是魯孔邱 康子問弟子孰為好學釋文無季字亦各言其志也釋 公之無道釋文作子日邱何為是栖柄者與釋文無為 之徒與釋文作孔子之徒與君子不施其親釋文作不 之生皆在襄公二十一年穀梁書於十月之後是也公 至哀公十六年四月已丑卒年七十三案公穀書孔子 集注序說云孔子以魯襄公二十二年十一月庚子生 **弛葢今本與唐初之本又多逢異也** 孔子生卒 | 一般大門鉄 | 辰是無星之處今所指為極星不 其出地三十六度常見不隱也不言北極而言 傳哀公十六年四月已出孔子卒推長歷四月無 已字乃乙字之誤葢孔子以襄公二十一年十月一 月 行至健其南北兩端不動處如門之 八日乙丑卒依夏正則在二月歷年凡七十四 日庚子生依夏正則在八月以哀公十六年四 庚辰朔及陸氏釋文可見史以為二十二年非也 北辰 月 庚子 一字衍文 過近極之可見者 樞獨言北 地 '者

蔡邕石經作孝于惟孝乎字可讀斷于字亦可讀斷乎 賦夏侯湛昆弟誥陶潛卿大夫孝傳贊皆用其語自古 宿左旋五星右旋皆還繞此極也 古本以孝乎惟孝為句白虎通後漢紀以及潘岳問 隱五年傳天子用八諸侯用六大夫用四士三 尚書出並改論語句讀以就之不知書云爲句自是 書常法若單指 非北極也極如輪心雖動不雕本處其外則二十八 孝乎惟孝 俏 字以唱歎之則古未有是也

虔云每偷八人杜解云人 上四人豈復成樂邪顧亭林引女樂二入以駁之是也 繪事後素 如如 數 說以服為長

(考工: 地與考工之文風馬矣 四釆 白亦来也鄭注後布之恐其黃汚也謂先布青赤黃 一記所謂素功謂白来也青赤黃白黑謂之五 而後以白采加之所以云後素功也今以素為

案茝氏釋文及爾雅 公四年六月亳 社災復立其主 3 こが 疏古本原作哀公問主於字我 銖 |故問其所宜木也宰

使民戰栗

夫子所以責之也 哀公懦弱尤甚不能制其强臣而徒望其威民何 對本自切當但不當附會使民一句耳魯以相忍 **站案古注圖說站以木為之高八寸足高二寸漆赤之禮賓主飲舉皆反此虛酹於坫上然後拜大夫則** 上有東西兩楹楹柱也兩楹之間當堂之中而外 酢 也主的酒以進賓謂之獻資飲畢酌酒以進主人 反站 人飲畢復自飲而後酌以勸賓謂之酬國君 上然後拜大夫 謂 相

金舌者謂之金鐸金口而木舌者謂之 物者皆謂之站也 事無裁小 南宮紹字子容又名适此一人也南宮敬叔即仲 用金文用木武用金時與事之不同也 明堂位云反 如今之鈴中有舌以繩繁之搖之而出聲其金口而 主朝聘時奠圭於此其制亦相仿也案站字從土 土為之爾雅垝謂之坫內則士于坫一 南容 鐸 出尊站在尊之)外故[L出尊又云崇 孫閱

怨也及反國創霸之時衛成公適從楚伐曹之役衛 弒 子之弟也 明堂位云夏后氏之四璉殷之六瑚周之八簋是商 瑚夏日璉也 叔于泉耶人其僚無子使字敬叔稱敬叔者蓋孟懿 子保身濟君事見信公二十八年及三十年傳蓋晉 一人也昭十 育武子 過衛而文公不禮及五鹿至乞食於野人此 瑚 璉 一年傳僖子宿于蔻氏生 一懿子及南

其忠醫薄其耽獄中之衣食得以親視魯侯之 声匹良い 盟受盟之後晉已復衛侯矣不意成公無道未入 許假道此 見從此武子意外事也謂其必能保身濟君是照管 子者欲為君地而君之理先不直外制於强晉怨結 讎以告於大國晉人借其新繫以報其舊怨斯時為 元呵蓋已知身之不能保君之不能濟矣幸 可及不照管愚字矣 無罪之元咺子旣入又殺孝友之 夷 新怨也但城濮之捷衛已出君而使叔 足い附録 叔武元 5 納 回挾 · 而 晉 國

心矣此怨乎 公羊傳不以父命辭王父命以王父命辭父命是父之 遼西令支縣今北直永平府 行乎子也至漢雋不疑猶引此以斷衛太子之事則在 信权齊名智字公達夷齊皆諡也漢地里志孤竹城在 而廢 竹君殷時諸侯墨胎氏依陸氏釋文伯夷名允字公 秋時可知矣然蒯瞶之廢宜也輒之立亦宜也以靈 制蹟蒯貲 薬公 怨乎 問最為深切也 (無解以輕而抱刺噴則輒將何以

金 得大 六十年歷祖庚祖乙祖甲二十八祀而生交王其時 豳之時而乃欲取天下於商家未亂之日決 漢也集注後一 公是楚國第 五年傳宮之奇日太 山日案詩太王 也安得有翦商之志哉況太王方奔國於狄 凡此番問 泰 161 且遷岐在小乙之世至高宗而殷道中 一說最是觀下節夫子之言可見 孔子於子路斷不可唐突葉公爲門 一實始翦商不 伯虞仲太王之 調周家翦 觀其定白公之 昭也太伯 商之

風 記述此文曰太伯扊仲太王之子也太伯亡去是 辛嚭召季康子 嗣以亡 宰大宰嚭 馬集注誤合為 以不嗣顧亭林 百詩日大宰鄭康成以為吳大宰嚭葢哀七 茶言 嚭請尋盟公使 **陳陳大宰** 去為不從其義甚明與魯頌誇張之說實屬 宰 悦故 ·康子使子貢解十 以大半屬吳然陳亦有大宰 子貢對秋子服景伯謂子貢子 一者杜解誤之也 |不從者 謂 二年夏吳 太 子使 夏 盏 側 爾

整整裁ト 為泉葢本漢蒯通傳束縕請火之說然以泉爲著恐其 大宰嚭名號同而人異者是也集注不當遺之 即袍也葢有表有裏又有著之衣若今人之綿袍也但 縊今之纊及舊絮疏云好者爲綿惡者爲絮案爾雅 玉藻纊為繭縕為袍鄭注云衣有著之稱纊今之新綿 絲綿是也鄭謂纊為今之新綿縕為今之纊及舊祭 無木棉著皆以絮為之絮絲餘也葢絲之亂者如今 指漢末而言古以新綿為續舊絮為繼漢則以精者 而粗者為擴古今語異也疏說未明畫集注以 縕 袍 张上附錄 縕

郭門也 由 餘 天子五 太寒不如 河の分言 屏之間謂之宁君日視朝處也視朝不過俄頃過 有 門中行臣 怪民不得入此云入公門謂雉門也 為虛位堂路寢堂也君視朝後退適路寢聽 臣 兩屏在西者爲左屏常閩不啟惟大賓至乃啟其 一路門以 門阜庫 入公門 八皆由 仍從許鄭諸儒之說以為舊絮也 則偏於門之西傍中闌而行也 雉 章 內即路寢 Ź 右 應路也諸侯無皐應一 兩扉之中有闌其兩旁皆有棖君 雉門居其中縣象魏 門其庫 於此 奇

建亚我人 君 周 復其位復過君之虛位也若泥定其字以爲已之位又 有事八告則由路門八過位升堂玉藻云朝辨色始 何必踧踖乎 與后夫人疏云此遣臣行聘問之所執者若本君親 桓信躬蒲穀之文直瑑之而已案此所執之圭即瑑 朝所執者桓圭以下也若遣臣聘不得執君之圭璧 適小寢釋服正謂此也出者八告畢而趨出路門也 日出而視之退適路寢聽政使人視大夫大夫退然 禮典瑞瑑圭璋璧琮繅皆二来 圭 老大附錄 就以類聘注云璋

當省也 改集注耶 重 還圭璋為重禮若是封國之圭何得不還而乃以還為 **圭也琢圭亦頌自典瑞不得以桓信等當之且聘禮以** 分之一在上三分之二在下則腰半而齊倍所謂省所 通解引典瑞玉人文入聘禮篇則圭固有辨矣何不追 積即今衣摺也縫在摺中至深衣之類則斜裁之三 禮子朱子集注雖沿包咸之誤然晚年修儀禮經傳 服取其方正故裳用正幅而人身之要爲小故旁爲 帷 裳 5

對文即作活字亦可包精鑿也 少儀牛與羊魚之腥聶而切之 **斜舂米八斗精米也則精鑿皆有定名然此處與細字** 也先藿葉切之復報切之則成膾其制與今之肉絲 直形成人 薤質之醢以柔之必切之 葢烹飪既與凡肉皆從 通作獎說文云糲米 膾不厭細 不厭精 、也案不厭二字稱作以是為善解便足不必 一名大阿 銀 **斛春米九斗釋名云糲米** 極 火化惟膾則用生肉切蔥若 細乃易熟若 為贈注云聶之為言牒 粗則不能急

必字從八七篆文作別與瓜相近而誤 之羞羞近者命之品嘗之然後惟所欲凡嘗遠食必順 近食此謂君但賜之食而非容之者則膳宰自當嘗羞 **| 京京市** 又周旋必欲如是 叉云若有嘗羞者則俟君之食然後食飯飲而俟君命 玉藻若賜之食而君客之則命之祭然後祭先飯辩嘗 飲而俟此謂君命之祭必先飯以示不敢當客禮 祭則不必嘗俟君食然後食也此節既言君 君祭先飯 必與瓜近 1 層心

謹之至所謂亡於禮者之禮也集注未明鬯 韻者後世之音也 **行字古音平聲入陽韻去聲便當入漾韻其轉入庚敬** 一索之太深亦不免於夸矣 功名在 子承知爾之問兵農禮樂言志之正也點之志却 不以客禮待臣於禮不必先飯而夫子亦先飯者敬 子獨許之者亦以見眼前真樂在己者可憑 行行 吾與點也 者難必喟然 附 缉 歎正不勝身世之感也集 事

致邑 哀公十四年桓魋謀弑朱公公伐之魋入於曹以叛 富貴子夏以解其意未幾而卒則或以憂而死矣 注魯自宣公稅畝案宣公十五年初稅畝公穀旨以 向魋既奔衛牛致邑與珪而遊齊及魋復奔齊牛復 因過程前卒於督郭門之外此憂想皆其時故死 巢其弟子順子車皆與同惡此牛所以憂也 叛之遂奔衛復奔齊蓋魋受龍於公背思謀亂其兄 而適失失人惡之而反趙筒子召之陳成子亦召 司馬牛 日節

陸地行舟事之 惟 逐 傳之謬案鄭注云丹朱見洪水時人乘舟今水已 畝十取其一不知十分取二是哀公時事未必宣 畝 取其一亦不知餘畝何指集注因下交二字復以 舟中領領使人推行之葢即從流忘反之意又案)然也得毋自宣公後積漸而致也歟 傳有穀生不過藉之說杜氏因以為履其餘畝 盪 一葢以民不肯盡力於 舟 ** 東與斟鄩戰覆其舟說與楚詞天問同** 到二、行政 所無說者多以罔水行 **公田故擇其精** 舟傅會不知是

失之矣 所謂盪舟也論語集解所載 注羿滅夏后相而篡其位案夏后相敢之孫仲康 也襄四年傳云昔有夏之方衰也后羿自鉏遷於 孔傳者遂以此解尚書集注又取其說以解論 斟鄩滅夏后相是滅相者奡也而非羿也 因夏民以代夏政哀元年傳云昔有過澆殺斟灌 服四制諒閘三年鄭注云諒古作梁相謂之 諒 即廬也謂倚廬之廬儀禮翦 陰 孔注多涉淺陋疑非其 **一梁陰亦** 躬 均 툊

率見忌于大臣孫文子欲逐君訪于伯玉伯玉遂行從 甯喜孫甯逐君事見襄公十四年葢衛獻公以無禮 集注如孫林父甯殖放弑之謀不對而出案甯殖當作 星型戦い **也柳下惠為士師正其屬官無容不知此與交子同** 案臧氏世為司寇文仲當已為之或為司空而兼 其子喜納君二十六年喜復訪于伯玉伯玉拒之遂行 謂梁間也 近關出公旣出奔衛人立公子剽二十年宵殖卒遺 竊位 卷懷 卷大附錄 命 輕

文公十八年冬十月子卒左傳謂襄仲殺惡及視公羊 事正作 歸父而大權歸季氏矣祿去政逮是一串事去公室則 傳日卒者孰謂謂子赤也集注葢從公羊 一公廢立襄仲主之季亥子輔之故宣公之初大權皆 利言 私家矣此論葢發於哀公初年五世則成襄昭定哀 世則文武平桓也 襄仲仲卒公孫歸父猶有龍至宣公之卒季文子 二十五年傳云政在季氏三世矣杜解文子武子平 五世四世 反照

彭 是時為小司空是下大夫以其知禮 傳定公十年夾谷之會孔子相儀葢 巫炎人 因夾谷之 引史記定公十四年孔子為魯司寇 司寇由大司寇 相 耰 因配費方叛而二家從之 未立不當數之也 此耳非使為卿也十二 人歸女樂 會齊未得志恐魯遂用孔子耳 12.1、附録 攝行相事誅少正卯皆非事 一年墮 耳齊以女樂沮 故使相儀 一相當 却 上三 墮費夫子 質也 **所謂**

以虞仲為仲雍自班志始然泰伯虞仲之讓與夷齊 時雨韋注云耰摩平也時雨至當種之也莊子則腸篇 此處之耰卽齊語管仲所云及耕深耕而疾耰之以待 器布種後以此器摩之使土開發處復合覆種者是 案耰有二義孟子播種而耰之說交徐注謂耰 之耨之其事皆與耕相連在布種之前也 夷齊並列不當獨遺泰伯仲雍在夷齊前百餘年不當 深其耕而熟耰之注耰耡也史記龜筴傳耕之耰之耡 事覆種又 虞仲 事不應 刻之間旋耕旋覆 為摩田

夷逸朱張之比耳 俗亦無放言自廢之事疑別有一虞仲而今不可考如 白虎通日王者平旦食畫食晡食暮食凡四飯諸侯三 飯 制與或有其人而此時未去與 倒次序仲雍為吳之君不當稱之為民亦不得為 知錄 大夫再飯此不言初飯者魯侯國不得比於天子之 君吳國不得謂之隱居獨善斷髮交身不過順其土 權量 亞 日權量皆古小今大至唐時則一 飯三飯四飯 北上附銀 No. 半當古三斗

序說云案史記梁惠王之三十五年乙酉孟子始至梁 羣經識小附錄卷七 **普皆不合而通鑑以伐燕之歲爲宣王十九年則是孟** 其後二十三年當齊湣王之十年丁未齊人伐燕而孟 **予先遊梁而後至齊見宣王矣然考異亦無他據又未** 于在齊故古史謂孟子先事齊宣王後乃見梁惠王襄 **炉**孰 是也 王齊湣王獨孟子以伐燕為宣王時事與史記荀子等 孟子 不多 七門錄 高郵李停著

序言哀王於史記襄王之子惠王之孫也古書紀年篇 尊父惠王爲王而孟子書其對惠王無不稱之爲王者 惠王三十六年改元從一年始至十六年而稱惠成王 君然孟子之書出於當時不當談也杜預左傳集解後 則非追算之辭明矣司馬子長亦知其不通而改之日 日知錄日史記魏襄王元年與諸侯會徐州相王也追 卒即惠王也疑史記誤分惠成之世以爲後王年也哀 位三十六年稱王改元叉十六年卒而子襄王立所謂 **今王無哀王也襄哀字相近史記分爲二人誤耳** 公二十三年乃卒故特不稱諡謂之今王今案惠王卽

重經散小 不卷七門綠 於泰今案孟子書惠王自云西喪垃於泰七百里乃悟 史記所諧襄王之年即惠王之後五年後七年也以孟 魏世家襄王五年子泰河西之地七年魏盡入上郡地 子證之而自明者也据紀年周惧靚王之二年而魏惠 即行謂孟子以惠王三十五年至梁者誤以惠王之後 子皆合然孟子在梁不久適梁在惠王之末而襄王立 **兀年為襄王之元年故也竊謂顧氏之說確鑿可據** 年為赧王元年齊人伐燕取之又二年燕人哗與孟 卒其明年爲襄王元年又二年燕僧讓國於子之又 河內河東

之說以襄王十六年為惠王改元之年則皆合矣 郡地也自華陰折而東流過底柱孟津自大伾又折而 河內河東皆指黃河而言也河自今大同府之西自 陽戰此襄王十二年事依史記皆在惠王後若從紀年 北流以入海今懷慶府 M 集注後又數獻地於泰此襄王五年七年事與楚將昭 河內河南則為河外矣 南个平陽府蒲州府等處皆在大河之東即漢河東 轉附朝儛琅邪 西喪南辱 帶正在大河環繞之地故日

鍅 山 云眼邪臺 **琅邪三月即此琅邪也今諸城縣東百五** 齊之東境也漢郊祀志琅邪在齊東北師古日山海 三年大 附朝儛一 萬鎰是 與滥同儀 對 一十八年並勃海以東過黃腫窮成山登之界南 萬 下治國家而日雖萬镒之少則文義不通矣 |在勃海間與此南字不合案史記泰始皇本 極言其多集注云愛之甚也正以其貴耳蒙 鎰 |山在今萊州琅邪依注爲今沂 禮鄭注云二十 1261时续 四 兩日溢趙注云二 十里有琅 州府地皆 兩

では大きる人 許氏日字書馬遞日置步遞日郵漢西域傳因騎置以 孟子為是 送文書所止處如今驛館矣集注郵馹馹即驛傳遞馬 聞師古日即今驛馬也黃霸傳郵亭師古日書舍謂傳 史記以伐燕為齊湣王事然孟子未嘗事湣王自當以 P 顧亭林日有夫布有里布周禮地官載師職日八宅了 釋置字不可釋郵字也 置運 齊人伐燕 天里之布

中亦在九賦中也案此則夫里之布皆有著落集注止 獨言無職者掌其九賦此夫之布也所以賦閒民無 **也康成謂宅不毛者罰以一里二十五家之泉此里之** 職轉移職事者也日掌其九賦者言閒民不獨在九 毛者有里布鄭司農云宅不毛者謂不種桑麻也布泉 明不如作民廛說為得蒙引以願受一廛而為氓釋 集注市宅之民仍以廛爲市廛亦非也此五條曰天 士天下之商天下之旅天下之農天下之民較然分 ·也所以罰游惰也問師職曰凡無職者出夫布注云 載師文而以為夫之征誤矣 小一个卷七附錄 ŀ

字致確 宣公母弟其子名嬰齊是為子叔聲伯聲伯子叔老是 持戟之士葢侍衛之兵郝京山日伍班次也失伍不在 孫子权氏亦魯之世卿也陳曙峯世族語云叔肸爲魯 趙注以季孫子叔二人為孟子弟子朱時皆封為伯不 班也去之罷去也若以為戰士則軍有常刑不待問矣 其無是人也集注以通節皆引季孫之言比趙注為 而云不知何時人葢其慎也今案季孫當即魯之季 季孫子叔疑 持戟之士

為子叔齊子齊子子叔弓是為子叔敬子敬子子叔 字伯張輒弟叔鞅鞅子叔詣昭二十五年見穀梁傳 穀梁傳权倪之卒季平子日权倪無病而死是天命也 之時季孫爲季平子平子逐昭公权請實心乎公室者 权倪詣倪疑三音皆相近子叔當即叔詣欺請以昭二 可悉知也要之二人皆為魯人無疑 其不滿於倪可知與此節語亦合季孫其殆平子與不 曾孫青為還子不用而使為卿之事亦不可考矣叔詣 一九年卒無不用之事記之後有权還权青還為权弓 一經武小 一个老上附錄

即以為迁道見賢可也 說統日諸侯耕助四句是禮文見祭義下四句是孟子 如黃鐘之數八十一倍之爲一百六十二是倍其實也 史記日下生者倍其實三其法上生者四其實三其法 解禮惟士無田二句是禮支下又是孟子解禮 以三除之得五十四是三其法也林鐘之數五十四四 無幾但不見孟子即由彭城南下不必至朱之國都 滕至楚皆由東北而西南宋亦在滕之西南其為迁 諸侯耕助節 六律五音

圓 是三其法也餘皆仿此所謂三分損益也律呂相間 四十二又三分之二不成整數此音所以止於五也以 角之六十四九之得五百七十六三分損益再生變宮 丁八南呂上生姑洗角六十四姑洗下生應鐘則為 一分之又不盡一算此變聲所以止 十四林鐘上生太簇商七十二太簇下生南呂羽 圓自黃鐘左旋至林鐘林鐘左旋至太簇皆隔八位 仿此所謂隔八相生也黃鐘宮八十一生林鐘 一聲變宮得三百八十四變徵得五百一十一 一十六是四其實也亦以三除之得七十 也

黃鐘大呂太簇三律爲宮則一 皆短於本律故可不用子聲若餘律為宮則商角徵 通 疑專主前說為是愚案事君無義未能以道事君 其動靜之間不以禮困勉錄謂前說可該後說不若存 或長於本律則不得不用子聲所謂半律以濟其窮也 退無禮未能不可則止也時解專主蒙引後說大非 之十二律皆可爲宮可作圓圖照相生之序衍之但 退無禮蒙引有二說一謂其去就之間不以禮 事君無義進退無禮 為正聲半律之聲為子聲以還相為宮之說 均之內商角徵羽

請馬金仁山謂在河中府河東縣其地有姚嫗今蒲 記皆云舜崩於蒼梧之野與孟子異 時於負夏鳴條為湯與桀戰處在今解州戴記竹書中 府永濟縣是負夏衛地史記五帝紀云舜販於頓邱就 為舊君君之母妻傳云仕馬而已者也注云謂老若有 廢疾而致仕者兼服其母妻其二大夫在外其妻長子 檀弓正義喪服齊衰三月章為舊君凡有三條其一 為舊國君注云在外待放已去者傳云妻言與民同也 諸馬負夏鳴條 禮為舊君有服 人民上附錄

身為之服齊衰三月並服共母妻也若三諫不從待 長子言未去也注云妻雖從夫而出古者大夫不外 絕者言質隊尚有列於朝出入有詔於國若已絕則不 也以此言之凡舊君若年老致仕退歸在國不仕 放未去者傳日大夫去君歸其宗廟言其以道去 猶未絕也注云以道去君為三諫不從待放於外 未絕身及妻子皆為之服然則去仕他國已 服惟妻與長子為舊君耳其三爲舊君注云大夫 絕者惟妻與長子服之已則無服若待放未 往來猶民也長子去可以無服此則大 1 大身

踏室陳氏日 檀 服其得 諸侯不反服 醴 此 弓雜記以證之而不當引儀禮也 るとして 疏 辨析 納 詩亡 在國者故孟子對齊宣王云云與雜 為 **L雅詩多王者** 不備 明暢 作東遷以後朝廷 反 服者雜記所云謂不便其居或避仇餘 則違諸侯之 雜記云違諸侯之 Ś 則此章所云與檀弓雜記正合足 而與喪服三條皆不相涉集注當 附 鍒 朝 諸侯違 會燕饗樂章或公卿大 既無制作公卿又 大夫之 服違 大夫皆 記同 無獻 地

喪乎可發一粲 風 進右師進之使就已位也與揖巫馬期而進之進同古 公行子有子之喪當是其長子也古者長子承祖父為 八子之喪則檀弓子路有姊之喪亦將日有為人姊之 八之揖如今人之拱手相讓則揖進人 服斬衰故公卿皆往弔焉俗解不知古禮解作有為 故雅詩遂亡獨有民俗歌謠其體制聲節與列國之 同故止可謂之王風非聖人能降之也 有進而與右師言者 公行子有子之喪

释木叉一條云終牛棘注即馬棘也當引此以釋棘字 趙 淇水在右碩人之篇日河水洋洋北流活活衛地濱於閻百詩日趙注云淇水名衛詩竹竿之篇日泉源在左 植棘二木不當混而為一也 洪水在北流河之西故曰處洪水而河西善謳所謂: **(兼言揖** 注云樲京小棗所謂酸棗也集注因之 建碳小一大 多七形祭 云樲酸棗注云樹 樲 淇 棘 小質酢則酸但釋膩字於棘 一然案爾 無雅釋

衛之聲也此解洪與河西甚明確盡古者 也其自大伾折而北流者為今衛輝府地此河西是也 西為今陝西地河東為晉地魏嘗獻河西之地於秦是 中 河之東為齊地河之西則衛地也又案大河自塞 经营工 梁華周戰事見襄二十三年傳又說苑云杞梁與莒 地漢河西五郡是也其自河南朔方折而南流者河 **鬫殺二十七人而死妻聞而哭城為之陁而隅為** 而東又自東而北入海其最外大河之西則為甘肅 國自西南而東北又自北而東又自東而南又自 華 周杞梁之妻 河自大伾

世上以上以入 之陽 崩案左 地 之陽也又襄二 解 南 陽恭 城魯注云南陽齊下邑疑即謂此 也公羊閔二年傳桓公使高于將南陽之甲立僖公 東陽晉之山東魏郡廣平以北葢在太行山之東 杜 如禹稷過門不入耳 解在 也 此云南陽葢在泰山之南汶水之陽即汶陽之 齊地 傳戴記說苑皆 南 晉山南 陽 與魯接者 | 公二附 1 河北 三年傳趙 倍 绿 故曰南陽葢在太行山之南 無華周妻哭之事不過連 勝帥東陽之師以追之 年傳晉於是始 也 類 河

奪其恩也傳曰何以不在五服之中也君之所不服子 注云諸侯之妾子厭於父爲母不得伸權為制此服不 葬高深日仞其說精當之至 禮喪服記公子為其母練冠麻麻衣鄉緣旣葬除之 於身地官媒氏汪引雜記謂八尺日葬程易田語余 八兩手橫度之則有八尺監度之祇七尺故度廣日 隐數勿集注云七尺曰勿葢用鄭康成說也 軔 王子有其母死者 何則用偽孔傳之說非是葢古人尺度皆取 同 刎

|--|

•

羣經識小卷七			14 / - 14 was 12.4

流言之後周公避位居東風雷之後周公奉命征東金 部悉字下云順也唐書五品不悉此古文也後人並改 為遁一从心則為順字形文義皆截然不可混說文心 滕大誥次序顯然詩鴟鴞之篇周公居東時作也東山 作遜而經典中遂罕見愻字矣 通也恐順也古字並作孫後有悉逐二字一从是則 ·經識小補遺卷T 瑟窩寫遜 金縢大誥康誥三篇 一名人補置 高郵李惇著

恐孺子無輔 子之 已也 且逆 故作詩貽王不忍直斥管蔡 并 東後作也書言我之 流言之 固 知大義滅親 及成王迎 関憂也二 起莫能得其主名及居東二年審其出 綢繆未至不能與共室家而已之 篇篇威屬 加 詠 えジ 子為輕王室為 公輔政三監卒 不能 也)弗辟 曲護故傷心於骨內之思 旣 周公有不 東 王詩迎 未故周請 征 而歸罪於殷日 重故 破 **钣乃奉王命誅之** 斧之 日無毁 詩 不避 於詩 我室 旣 於管 取 前 非詩成氏 业

東猛墜 康权尚幼故依次用此三人敗壞之後以親 知 之以之 都 康叔故作康誥三 **武庚既誅命微子繼殷後故作微子之命以殷餘民封** 河北之地不 風次序及其辭義皆與尚書相符則周公之居東征 下游商邱亦殷故都也武王三監以周公輔 邶方 踰 然可據矣 康 下之安危係焉故 不是大補遺 百里 叔故以殷 衠 可復界般後故改封微子於宋使居 Ξ. |篇此亦| 國不固當 不以為 汝 五百里也 定 一次序葢懲武庚之亂 篇詐戒甚詳 使主 封 北 瀾亂初平 方諸侯 以賢周 康語篇 和王 鄉

建筑部 暇 氏引 皆周公述成王之命而此云朕其弟者家人骨肉之 亦欲遷之使離故地則基謀作洛其事自不可緩 是个武庚已死殷已改封管权蔡权皆誅而梗化之 及此使管 封武庚管权居鄘蔡权居衛以管蔡與殷並為三監 四年建衛侯而封康叔五年營成洛邑此云初基 氏以為洛詰錯簡非也誥命諸侯及多士 **弄其身而了 浩諸侯之事**蓋 釋話以基為謀確指其事與封康叔事正相 叔居管 不叔 管 滅之州今 其罪是鄭 國輕 <u>蔡</u> 作洛者武王之本志克商 國故以監制武庚地理志言 《权居蔡封即 叔之茶 故仲 网

等語矣其日乃寡兄勖謂武王也寡兄之寡張見下康惟助王宅天命此皆周公之解若王自誥之不當作此 上にてた 無以弼教先以明德告以恫瘝文日非汝封刑人殺 與康叔為相睦也康誥一篇多言刑罰衛邦新造非 郑 权 受封條內其日未其有若汝封之心朕心朕德惟 梓材篇告以作室稽田梓材而治國之說備矣今王 酗之虐漸染已深故羣飲必殺所謂刑亂國用重 日未有遜事恐其任意濫刑所謂刑新國用輕典也 見同母兄弟公忠體國之意故春秋傳日惟周公 可比觀篇中云不廢在王命乃服惟宏王 アミノ補遺 <u>.</u>

然也周公與康叔至親雖奉成王之命而仍以己意戒 後八十六字告以治國輔王之責首尾相銜詞完義備 之稱之日弟日小子以致其怨至之意其云寡者渺焉 武庚旣滅乃封康权考之傳記其說皆同不獨書序為 後儒不得其說檗以歸之錯簡豈伏生所傳安國所讀 賣而康叔為監當體先王之意以保王子子孫孫萬年 惟日以下乃言先王造國艱難後王當任和懌先後之 **率皆錯亂無紀耶如此讀書亦不免鹵莽矣** 基是三篇相為首尾前四十八字序營洛建侯之事 康叔受

無其地雖元勳懿成亦止食采畿內面已況朱衛之封 奄滅而後封魯蒲姑滅而後封齊唐滅而後封唐叔芍 無壞我高雅寡命豈亦謙詞耶且玩篇中不廢在 有三監監之又裂其地以封康权何為者邪儒者 寡僑之意不必皆作寡德解也詩日刑于寡妻顧命 さらいこれ人 須多攻時勢不當執經文一 與周公語氣相合 點殷後尤彰明較著者平武王 國武庚之紹封自若也若其不叛殷命可無點矣旣 服惟宏王亦惟助王宅天命朕心朕德惟乃知等語 | 文 補遺 語以斷之也 一伐商誅其君而不滅 L Ŧ. 命

為坐衛侯不勝別鍼莊子則鄭本疑當作別傳望文為君坐之刑葢本僖二十八年傳衛侯與元咺訟鍼莊子 **刵者周官五刑所無呂刑亦日劓** 康誥劇則人今孔傳云劇截鼻則截耳刑之輕者疏云 故三篇語戒甚詳酒誥王若日釋文云馬本作成王康叔日孟侯孟長也葢方伯之任東土初平民心未 刑案呂刑劓刵乃有苗之法未可為據鄭以為臣 权日孟侯孟長也葢方伯之 一證云 剔 玔 則鄭以為臣從君 ľ

聲音犯車轉頭所謂軹也相亂故具論之謹案毛傳 文云軌車轍也從車九聲龜美反軌車載前也从車凡 釋文云軌舊龜美反謂車轊頭也依傳意乞音犯案說 按察司名臬司葢本於此 限者說文木部云桌射準的也周禮以土圭求日影樹 汝陳時泉司疏云泉為準限之義故為法也案疏言進 八尺之泉亦準意也爾雅釋宮云樴謂之杙在地者謂 ---泉郭注云泉門橜也與門限之闕相連是限意也今 泉司 軌牡為韻 一, 清貨

祭左右軌范乃飮軌范並言則顯然兩物矣下注云軌 訓為轍迹者中庸車同軌是也若少儀左執轡右執資 為軌是轍迹不可言濡帆是載前又云車轊頭所謂軟 盈鳴軌牡用韻甚密若軌字从軓則走矣無是理也此 作軓也且以古音言之軌居西反牡莫九反此節鷹瀰 車轊頭也轊頭在軓之下車之濟盈必濡其轊頭不必 謂轉頭也問禮大馭祭兩职祭軋乃飲軌與軹同謂轉 頭也合兩處觀之葢記之左右軌與大駁之兩軹皆謂 也相亂故具論之其說末明不知軌字自有二義說文 由輈以上為軓陸所謂依傳意定音犯也又引說文以

菡萏 皇父卿士集傳云卿士六卿之外更為都官以總六官 陳風有蒲與荫傳云蕳蘭也箋云蕳當為蓮以蓮與荷 是但訓軌為轍轍乃是車之迹非車上可指之物則不 之事也或日卿士即卿之士周禮太宰之屬有上 亦不當復破經字葢鄭意謂毛傳蘭字訓當作蓮耳 可以言濡矣 訓詁當用鄭車轉頭之說為確集傳讀軌作九音最 類也但前與蓮不相近商字韓詩本訓作蓮鄭 蕳 家伯維宰 不老人補遺

也葢以宰屬而兼總六官位卑而權重也謹案朱子因 士公羊所謂宰士左氏所謂周公以蔡仲爲已卿士是 無其事也公羊所謂宰士葢以春秋之例上士中士書 則於經傳實無所據若上士中士兼總六官則古今皆 不得遂不得不以意為之說然謂六卿之外更為都官 稱司徒掌邦教冢宰掌邦治皆卿也諸侯亦得入王 **茶仲爲己卿士問禮畿內之國得有孟仲二** 名字照書名則非冢字未嘗言其兼總六官也問公以 卜有司徒冢宰而皇父之權又在二人之上求其官)私屬亦不能執王朝之政也今案卿士者執政之通 一卿特爲已 而

家伯冢宰古本本作家伯維宰其所謂宰或小宰或字 也下云番維司徒而皇父在其上此卿士即家宰也 隱公三年傳日鄭武公莊公為平王卿士杜解云卿 **仔紊亂即朱子亦不得不為所感可知經文譌字貽** 卿之執政者 耳非上士 鄉 解云周人於此遂卑之政即是觀之則司徒即卿 誤文 詩序云緇衣美武公也父子並為周司徒春 八年傳叉日號公忌父始作卿士 也自傳經者以維宰調為家宰而 人補遺

當是仁字之誤 慢之辭明怨痛之甚亦不得已而為之說也竊謂 戴東原云瞻彼洛矣二 同也然如鄭箋言先祖非人乎則太悖矣正義言出 **퓆赤貌珌文飾貌許氏說文云珌佩刀下佈葢其所** 六見皆當作鞞鞞琫有珌亦猶上章云靺鞈有奭 现下佈**城下**飾者天子玉琫而班**城**諸侯盪琫 四月先祖匪人胡寕忍于與父母先祖胡寕忍子 大鐐琫而缪珌士珕琫而珕珌震案傅內珌字 **粹琢有邓** 一章鞞琫有珌傳鞞容刀鞞也琫

毛傳鞞容刀鞞也之語劉熙釋 **岣見於天** 武之義諸說紛紜毛傳云帝高辛氏之帝也從於 飾亦言幹不言現也 與今本 下飾乃轉也字又作與說文以轉為刀室殆誤 姜嫄 為無疑謹案 《將事齋敬也鄭笺云帝上帝也 同遂取之 飾 補遺 · 坤可據以正說文又篤公劉爲 日琫以毛詩證毛詩此傳珌 解字 名云刀室日削室 | 頭有珌 日爽

帝嚳崩後 順天之意何必棄之若謂承天意而異之於天下則 履迹之說 者居期 妃姜 於是遂有身而肅戒不復御周本紀云姜嫄爲帝譽 神之迹姜嫄履其拇指之處歆歆然如有人道感已 明也夫上帝不言帝舉何由知上天之意而順 當有屬何為舍元妣之子而立荒淫之摯邪毛 一天生后稷異之於人欲以顯其靈也帝不順 果如其言求子而得何為棄之下傳言棄之 十月而后稷生葢遊腹子也謹案毛傳亦信 而生子以為不祥王肅引馬融云任身之 出野見巨人迹心忻然踐之踐之而身動如

建亚战人 夫所部肅戒不御者在旣震之後而不在方歆之時 别 基孫毓辨之詳矣惟鄭氏之說與史記合然史謂 一說不可通矣馬氏遺腹 以為不祥姜嫄為譽正妃共有身也由天由 初 人之有身非可預必即實由人道亦必在月餘 知有身而後 所以以為不祥之故也說較客矣而於事理未 自有氣 氏足其說云於是遂有身而肅戒不復御葢 肅戒不御君亦信之此似不近人情也 人一桶遺 化 崩戒不 既有男女以後無不由人道而生者 況僅僅 如有人道 一而即 人無從 開

宮皆特言姜嫄之神靈有妣而 與魯告特立姜嫄之盾七合姜嫄居為八也而生民 其說驗之而信更當神而寶之何乃棄以異之卽 無祖也其祖葢微者也微者亦祖而不以爲祖何 其名失傳也姜嫄之名著而其夫失傳何也日姜嫄者 早卒有邰之國或亦絕 名特著也后稷旣長而姜嫄不以告之何也曰諱之 覆翼不將失此靈異邪竊 邻氏之女誕生后稷育而長之繼封於有邻其夫或 之亦不必再三置之必死之地也假命牛羊不字 4 而周之基實開於此故姜嫄 調周人 無旭也其無 有 她而無祖故 祖何 也 也 周

事 告共子亦情也动氏之女終歸伯比而姜嫄不歸其夫 何也日絕之也邓子女不絕伯比而有邻氏絕之何 異而印收之姜嫄之至再至三必欲寘之死地其 欲少偶越禮長而悔之因而諱之託爲神異之說以 父母情性不同古今風尚亦異子文之棄一聞虎乳 日此與楚子文之母相類亦古之常有也男女人之 異也姜嫄諱之而后稷終不有父何也日不可得 不可得 其所終也漢霍去 何也日合之不以正也姜嫄賢妃而不以正 ` アジー補遺 郑何也日或早卒也或不容於有邰氏 病旣為驃騎大將軍而 何

也然則周人之禘帝譽何也曰其父或高辛氏之胄也 仲孺遺體其事亦類是矣周公作詩亦託於荒誕之 旭 考工記夏后氏世室堂修二七廣四修一五室三四步 四三尺九階四旁兩夾窗白盛門堂三之二室三之 **「頻雖諱之而后稷或知其為高辛氏之子孫故周人** 而不知而神靈之說相傳已久非周公之造為說異 也日立言之體當然也帝王之與每稱符瑞旣求其 断不可通矣 以為祖也至謂姜嫄為帝譽之如后稷為帝嚳之子 明堂

明堂位天子頁斧依南郷而立三公中階之前北 一諸侯之 面北上 面 重屋堂脩 之筵東西九筵南 應 外東 國門 鉴 一八缝之 一
計子之國門東
三門內之東 位阼階之東 上餘 面 西逸周書云 南上五狄之國北門之 尋堂崇三尺 同應 國南門之外北面東上六戎之 面 北七筵堂崇一 北 此 西 四塞世告至梁之國 M 周 公 明 堂 之 面北上諸伯 東上 阿 九夷之國東 重屋周人 筵五室凡 外南 位也明堂 篇 2 國 面 北 、明堂 间 西階 室 無 fy 車 面

季冬之月天子居元堂右个玉藻天子元端聽朔於南 之月天子居總章太廟季秋之月天子居總章右个孟 ·居青陽左个仲春之月天子居青陽太廟季春之月 明諸侯之尊卑也逸周 天子居明堂太廟季夏之月天子居明堂右个中 天子居太廟太室孟秋之月天子居總章左个仲秋 子居青陽右个孟夏之月天子居明堂左个仲夏之 外閏月則闔門左扉立於其中孝經昔者周公郊 月天子居元堂左个仲冬之月天子居元堂太廟 有書 此語,月令孟春之

堂高三尺東西九筵南北七筵上圓下方九室十二 序我将配文王於明堂也五經異義淳于登說明堂在 明堂而民知孝祭義祀乎明堂所以教諸侯之孝也詩 明堂月令赤綴戶也白綴牖也二九四七五三六一八 大戴禮盛德篇明堂者古有之也凡九室一室而有 所以明諸侯尊卑外水日辟雍南蠻北狄東夷西戎 |四戶戶||牖其宮方三|百步在近郊近郊三十里或 之陽丙已之地三里之外七里之內以上明 為明堂者文王之庿也朱草日生一葉至十五日生 八牖三十六户七十二牖以茅葢屋上圓下方明堂 でも、補遺 四

聽朔前代所同宗祀之制則周公以義起之也三者之 經樂記祭義詩序所言是也明堂之設所從來遠會同 所載是也一日聽朔玉藻月令所記是也一日宗祀孝 明堂之禮有三一日會同戴記明堂位逸周書明堂篇 十五葉十六日一葉落終而復始也周時德澤洽和蒿 一穀災者生於天天道不順生於明堂不飾故有天災 屋待朝在南宫揖朝出其南門 大以爲宮柱名蒿宮也此天子之路寢也不齊不居 飾 明堂也堂附錄 堂典禮明 凡人民疾六畜疫

西洋流域 室九階二十戶四十窗則皆同也室有五何也象五行 明堂之制著於考工記記文簡貴詳畧互見三代損益 (洞達也四茐有夾窗何也取其光明也堂上室雖有 位也階有九何也三面各二南面三其中一階王)其堂之脩廣並室之基言之何也曰創也凡寢廟之 所由也且三公之位之所取简也室有四戶何也取 有世室重屋明堂之異度有以步以尋以筵之異崇 一七分詞二之異室有三四步二筵之異而其為五 四戶洞開有窗無壁堂之四面又無垣墉明之至 一筵之異脩有二七七尋七筵之異廣有四分

室 制 四 四 處皆堂 皆 茶河 時 地 四 姰 室廣二 故合 前 曲 如 DA III 門之 堂後 皆 不 過 7 **筵**脩尺 而言之 四分之 也堂之為 居 故 hl 創 為堂若 尺 外皆有 网 當周 爲 明堂 Æ 7 二室居 何 制 此 當 **几脩** 計廣 也 地 制 列位若當 剘 入以 百不可 四正 與凡宮室皆異堂有 居 大方閩 H 全數 判 五之八制 則有室 主数百 取 計 也 中央之義 達 匹 Ju 所 分之三 一室以太室爲 之積五 則 丽 無堂矣 地尺室之 合 业共 僅五所 制 面 室其 四室 Ħ. 室 僅得 明 堂 朝 無 則 百

距可奇 之 廣亦取節於堂堂廣九筵三之二 兩茐有室曰三之 制 則四筵 度明 垣蓋 /えし 補遺 四 面有門其南門外復有應門門之堂 分筵之二也以其廣 則室廣亦一 、世堂 說得之 之 此 샜 则六銭也 明堂 庭庭之 回)外有 洞 桶 達 距有距 四 四

或 足也月令之說不過順時其所謂居亦止 戶必盡啟聽朔之時則各從其方事之迄也 度不過 廟 日明堂聽朔之所也攷工言五室|而月令分太 居其室室有四戶 三月則日太室 四左右个各 爾者猶云鄉東 云青陽之左右室也仁 一崇朝 而反也王之聽 四何以配之日此第求之五宝 以其為宗 、闔其三而成其一葢朝會之時 一太廟 配之地故 朔皆在五室之中隨 一聽朔時暫 太廟其云 中 室 則

仲之 或 世紀代 或 惟宗祀之典較繁然配享上帝於郊為文於廟爲質非 也會同之時諸侯皆列堂下聽朔之時天子暫居室中 如禘祫之制羣主羣尸紛紛並立有事神於室之 漢以後宮室日侈繁儀日盛有十倍於古者矣李景 日 政事畢而 退如此而已何事紛紛多其堂室乎 於四隅之室亦然朔之事月令 一介甫輩據後代之制而以律三代 明堂鉅典也二筵之室不已隘乎日此無所用廣 月皆居太廟之中而啟其當方之 子据考工記以釋明堂似矣大戴記獨不可信 えが補遺 亦虛存其位耳順時發其戶然無聽順時 不亦過乎 5 四盂 四季之 禮

與考工 筵七筵何以容之二也九室三三平列遮隔已甚不 雪糸一司ノ 四 、貽誤後 大戴記乃漢儒掇拾之書雜記古禮所聞 三室界畫難分 五既云東西九筵南北七筵又云九室七筵之地連 山 行獻禮不知當在何地四也除四面十二 外其餘一 如 比也且是篇尤為厖雜畧為論之其不可通者 何朝會王立何處三也宗祀配帝不知當在 人者又有五旣云明諸侯尊卑又以爲文 十四 オノ 一也旣云九室又云十二堂不知 戶四十八牖不知何所用之五 誤 地 異辭 戶 胡

世紀大 非謂 明堂位云太廟天子明堂主廟 無 不登於明堂古者賜爵祿於 路 於夸誕適啟後人封禪祥瑞之侈說四也有天災 窮治絲 辟離遂啟蒸氏明堂辟雕為一之誤三也朱草蒿宫 明堂布政之宮且為祀文王之 明堂更涉矯誣適啟後世土木厭勝之邪說五也古 湮沒復生異論後之學者橫 寢遂啟鄭氏大寢明堂同制之誤二也又云外水 太廟明堂同 公太廟天子明堂注廟 如王 邢而芬非斷之不可矣以上 多し補遺 制也左氏傳云周志有之勇則害 祖廟葢假先王之靈以 別好天恭言其體制之崇以上明 觚 所即於此策功行 於中展轉沿誤謬戾 命

車 則 **諸儒之舊說耳孟子時齊宣王欲毀之明堂葢朝諸** |大田 女子||七日 興也與人六分其廣以一為之軫圍注云軫車後橫 地 ·軫四尺鄭注云軫車後橫木也加軫與轐焉注云軫 殊也若 無不可服 方岳之處略如覲禮 **象地也疏云軫之方是據輿而言軫者輿之本也謹** 輈 五分其軫閒賈疏云軫問即奧廣也軫之方 四面 軫 其餘傳記所引不見於經可無論矣以 一皆有木以記文加軫與轐弓長庇軫及 杜直訓為祖廟者葢誤於大戴之文賈蔡 Á 所載配方明之宮名雖相襲制 全計論明

再 奥 娫 前軫至後軫其深八尺兵車之軫四尺四寸比之為淺 為之圍衡任者五分其長以其一為之圍鄭氏以軫 家之體然耳詩小戎俴收毛傳云收軫也正義云大車 詩傳及孔疏鄭氏之誤明矣 閒軫方觀之則軫乃輿下四面之木合而收輿者鄭 之由勢人云凡任木任正者十分其勢之長以 指車後之木似誤買疏亦依違其說不加糾正益 人旣言之輈與軸下文又言之因以此衡任者爲衡 日後收收者車前後兩端橫木所以收斂所載也觀 氏以軫專指車後人多知其誤者而不究其所以 * 卷八補遺 疏 致 氏 圍

鄭 **軫圍止尺一寸而三面材乃有尺四寸五分寸之二** 屬不合不知記所謂任正者乃指輈非指三面之材 也夫旣以輿下之木為任正者則輿後木亦是任正者 其說是也葢所謂十分其輈之長以其一爲之圍者即 下十分其輈之長以其 mj 氏考工補注日輈即所謂任正者軸即所謂衡任者 說獨指車後之木為軫則其木當大於三面之材今 前三面當之注云任正者謂與下三面材持車正 獨以後木為軫三面之木為任正者此何說耶且 任正者求其物而不得故分與下之木爲二而以左 一爲之當冤之圍也下云參及 如

以其一 與踵為地無幾則其餘皆如當冤之圍也日 也軸之長丈二尺有奇而取軫問爲度者主乎所任 為之閩者此二句皆空言知其卽指下數句也任正 度衡任者云五分其長則但就所任而已得其度也 言也任正者云十分其輈之長必指輈之全數乃得其 有所屬不必以與下之材强分作兩樣名目 言以其一為之 冤圍去一以 朝前十尺而策华之此朝與大馭祭朝之 為之園者即下五分其軫閒以其一 為頸圍五分其頸圍去一 某国者凡十數處未有空言以其 人補遺 以為踵 為之 五分其長 動 置

謂軾前者是也毛詩傳云陰揜軓也鄭氏箋詩亦云揜 儀注亦無異說此處注云朝是朝法也謂與下三面之 軓在軾前垂輈上葢輈之長通十四尺四寸其四尺四 少儀祭左右軌范之范及詩陰靷鋈續之陰並同先鄭 材輸式之所對持車正也葢亦因誤分擊與三面材寫 人云麥分較園去 寸在車箱下軌前隆曲而上者長十尺也鄭大馭及少 又見故書作範故誤爲此解耳 之朝一 軹 一名而三物其一為車較下之植木橫木輿 以為軹園是也其一

築也軸之出轂者謂之軎設牽即於害杜與先鄭之說 官大行人云公立當軹是也其一為數內之小穿輪 說軹崇三尺有三寸先鄭云軹喜也謂之庇軹後鄭云 云五分其轂之長去一以為賢去三以為軹是也車闌 云弓長六尺謂之庇軹及夏官大馭云右祭兩軹又秋 之軹及轂穿之軹注無異說惟軸末之軹後鄭頗有異 祭軓乃飲軌與軹於車同謂轉頭也則與先鄭之說 也後鄭注禮記少儀祭左右軌下云周禮大馭祭 外者輸人云六尺六寸之輪軹崇三尺有三寸 卷入補遺

謂之庇軹兩轂之末相去已丈一尺六寸六尺之弓倍 以車弓而言則輪之廣小於軹軫之廣小於輪 之減則六尺之弓止能庇轂末害在毂外不能及也其 尺三寸矣且云加軫與轐焉轐在軸上軫在轐上其當 其徑倒小六尺六寸之輪 說比杜及先鄭為較客矣然以輕崇而言則軸在彀中 之為丈二尺并部廣六寸止有丈二尺六寸又有字 合此處不從先鄭而謂軹為轂末者以下云弓長六尺 軸無疑若戰末則既不在軫下且與轐迥不相涉 頭處輪之中央若轂末則其徑圍廣其崇當不止三 可於軸末取半賈疏云軹是

肵 後鄭算車弓覆敬末之數可謂核矣然記文止云參分 合 謂之軹釋名云軹指也象指出於穀外也其說亦與害 長短言庇之廣狹正不必分寸求合以定畝之為轂末 弓長而揉其一參分弓長以其一為之尊上欲傳而空 二寸許且數末有錔以約之謂之韓又謂之軼不必强 7 7 1 12 15 謂喜杜子春之所謂斡與後鄭所謂轂末相去不 在輪外者一尺八寸數之末則有辜以制之先鄭之 兩處注自相抵牾也 一寸在車箱下者七寸在車箱外車輪內者七 アル、補遺

則股 於部 雪絕言 欲卑而已後鄭謂六尺之弓上近部車者二尺是也其 謂敬末葢指轂之出輪外者也轂之內尚有小穿亦 鄭注輿人之軹云輢之植者衡者也與轂末同名 宇曲亦不至敬目矣 八明畫 除之面三尺幾半則亦以已意為之說耳若爪末 鄭豈謂轂內之缸亦在較末遂混而為一 爪末下於部二尺二尺為句四尺為弦求其股股 面可得三尺八寸有奇如此則可以覆斡而兩旁 尺亦豈不可爲宇曲乎以一尺爲句四尺爲弦 ノメノ 鄭所

貾 則等矣謹案鄭注萬之水之二句皆未愜當注云故 選載い 以運輸 其輻之直 作馬鄭司農云讀為萬書或作矩釋文云萬姜禹 人是故規之以貾其園也萬之以貾其匡也縣之以 |說證之則萬字即矩 無輕 可量可 重則斷材均矣注權之句云稱兩輪鈞 之以眡其匡也 一輪中萬蔞則不匡剌也注水之句云平 一也水之以坻其平沈之均也量其藪以黍 不长人補遺 權也謂之國工鄭注萬之句云等為革 也鄭意以輪取其園不 可萬

也 73 47 則等矣二句有何 2均非 常相為用輪 漸 無别矣鄭叉以水之以眡其平沈之均乃取其分 刺 其輪 漸之水而平沈均則不必更權 則萬字仍當作矩解輪不取方故變交而言 訓萬為萬蔞匡正也萬蔞非取正之器故訓 如鄉說以萬蔞運輪 無 水取準故注云平沈其輪無輕重然 輕重 3 既園矣又必以矩四面度之然後可 直 别 則鄧材均矣下注云稱 那 竊 謂規以取園矩以取方然 上則是平以 必齊也水之以 其輕重矣 取準與下 兩 輪 同是 鈞 輪 同

字獨作匡刺解亦殊不合 縣可量可權者正合規萬準繩量衡之名與與人 是一次正代 也水之旣可以 中規方者中矩立者中縣衡者中水文意正同注 服記注祭服朝服辟積無數凡裳前三幅後四幅 大小之同權以取輕重之侔所謂可規可萬 **取圆蓠以取正縣以取繩之直水以取準之平量以** 以萬蔞殊爲不類 之均削上 衣裳 平沈必均也所謂平沈者乃言輻非言輪 と一補遺 知輻材之均即可以取輸面之不盡 且園直均同侔等字皆言其善 Ī 可水 園

理念言 司紳齊也上正 也者若無要則衣與裳交際之閒露見裏衣有要則 也衣與裳皆有要以其接於要中故名之日要也云 上下闊 見言上際者 二尺有五寸注云衽所以掩裳際也二尺五寸與有 叉云衣帶下尺注云衣帶下尺者要也廣尺足以 此謂帶衣之帶非大帶革帶者也云衣帶下尺者 上際也注言廣尺當是橫幅綴於衣下釋 則吉服喪服裳制同也惟深衣長衣中衣則 尺若橫則隨 ラダブ 對兩方有社掩菊兩廂下際也記叉云 尺燕尾二尺五寸凡用布三尺五 人粗細也云足以掩裳上 日謂

釋日袂所以連衣為之衣即身也兩旁袂與中央身總 帶下又無社是也記又云衣二尺有二寸注云此謂秧 中也言衣者明與身參齊衣自領至要二尺二寸倍之 四尺四寸加闊中八寸而又倍之凡太用布一 服連衣裳故鄭上斬章注云婦人之服如泺衣則衰 **菊皆綴於衣垂之向下掩裳際此謂男子之服婦人** 一事下與畔皆等故變袂言衣欲見袂與衣三齊也此 但用布三尺五寸得兩條社社各二尺五寸然後兩 寸惟計身不計秧與祛記义云祛尺二寸注云祛 掩裳際也者對上 一要而言此掩裳兩廂下際不 文四寸

寸圍之為二尺四寸三之七尺二寸又云縫齊倍要注 云齊丈四尺四寸又云衽當茐注云衽謂裳幅所交裂 不以吉服參比則吉服制同也 云征謂裳之交接之處當身之畔皇氏云言凡衽者非 一漢云深衣三弦注云三祛者謂要中之數也祛尺二 也尺二寸足以容中人之併兩手也案以上注疏皆 凡社者或殺而下或殺而上是以小要取名焉狂屬 則垂而放之屬裳則縫之以合前後上下相變正義 頭在下或殺而上謂深衣之衽寬頭在下狹頭在 之辭非獨深衣也或殺而下謂喪服之衽廣頭在

熊說則朝祭服之制與喪服同也云衽屬衣則垂而 **菊皆有此衽熊氏說向惟或殺而下謂朝祭之** 叉云長中繼揜尺注云其為長衣中衣則繼秋搶一 云是以小要取名焉者謂深太與喪服相對為 者謂喪服及熊氏朝祭之社云屬裳則縫之以合前 者謂深衣之衽孔沖遠調深衣之上獨得衽名衣下 今袖矣深衣則緣而已正義云幅廣二尺二寸以半 曲 幅 續秧口拚餘 而下裳下屬幅而上相對為在鄭注深衣鉤邊今 **裾則宜兩邊而有也** が、一浦豊 尺長衣揜必用素中衣揜或布 耐

衣之裳十二幅皆寬頭在下狹頭在上皆似小要之衽 連之不殊裳前後也鉤邊若今曲裾也正義云狂爲深 素裏中著之則日中太若露著之則日長衣殆二寸注 是前左右皆有衽也今云衽當旁者謂所續之衽當身 邊即今之朝服有曲裾而在笏者是也狂當穷者凡深 衣之裳裳以下闊上狹謂之為狂接續此程而狂其旁 也深衣云續衽鉤邊注云續猶屬也衽在裳旁者也屬 喪服則前三幅後四幅各自為之不相連也今深衣裳 一曲領也祛尺二寸注云祛口也緣廣寸半注云飾邊 老人

至二 不正正民 云若今曲裾也者鄭以後漢之時裳有曲 今曲裾 骨者與玉藻三分帶下疏云下 制十有 縫半下與玉藻之縫齊倍要相足也格之高下 遵 應 玉藻長中繼揜尺相足也帶下無厭髀 肘即玉藻云袂可以回肘也袂之長短反詘之及 似漢時曲裾今時朱衣朝服從漢明帝所爲則 則連之 进云 者是今朝服之曲裾也 有謂 一幅與喪 祖著 一下 補 尺 也 遺 菊 服記前三幅後 要 則有曲裾掩之 刺 中一邊 也 帯 が 朝 尺與元端異也曲 三幅有别也 血與相 ,紳居二 三二 裾 無厭 故以續 連 忐 無 **网络** 袂 相 可 肘 闔

純 也 也緣楊也緣邊衣裳之側廣各寸半則表裏其三寸矣 領 其側亦有綠也在一邊 如 云古者方領似今擁咽故云若今小兒衣領但方折之 外殺之邊有緣也裳雖前後相連然外邊曲裾掩處 袂緣純邊廣各寸半注云純謂緣之也緣袂謂其 **袷廣二寸正義日云綠邊衣裳之側解經純邊也深** 矩以應方所謂闊中八寸也注云袷交領也古者方 旜 如今小兒衣領正義日鄭以漢時領皆向下交垂故 司服注云端者取其正也士之衣秧皆二尺二

也 為之 如此 鄭以侈為大即以意為半而둞 記端衰注云衣衰言端者元端吉時 工設文者以其大夫已 故經别見端文也 是廣袤 也 服其衰侈袂少年主婦衣絹衣亦云侈 幅解之也衣二 • 寸當 焉半而温 、浦貴 連 一尺有二 屬中幅四 此端據正幅不據穗裳故後 一修袂 则 其袂三 寸大夫已 寸見喪服記文雜記 釋 日經別言元端素端 同惟士不得侈秧 也孔子大秧單衣 == 常服喪之 一侈之侈之 秧侈

裳婦人不殊衰裳莪如男子衰下如深衣深衣則衰無 當如之案此注則元端之制與喪衰同也記言端衰喪 雜記义云磁者執冕服左執領右執要 車皆無等則吉服尊卑有等也 不言裳以連衣裳不别見裳則此喪服亦連裳於衣彼 服斬衰條注云凡服上日衰下日裳此但言衰不言 深太不得盡 下义無衽釋日案周禮內司服王后六服皆單言太 服深衣須有曲裾之衽此婦 無喪服之征亦無吉服深衣之衽也 **** 如深衣并有衽故鄭總云下無衽則 人凶服之衰下連裳雖

裳 は手が正仏以人 一行為商組為袍著有美惡爾其製則同皆連衣裳也 然儀禮喪服記言衰裳之制戴記玉藻深衣二篇詳 衣裳等威詳於周禮司服諸篇其尺寸制度則少明文 喪大記徒跣扱衽釋文云衽裳際也 一絕古今然衣裳之制亦閒有失其傳者今據此三 弁服與凡裼衣象裘色也 錦絅裳然則錦衣復有上衣明矣天子狐白之上衣 也袒而有衣日裼必覆之者裘亵也詩云衣錦絅衣 藻注云君衣狐白毛之裘則以素錦爲衣覆之 制而朝祭之) 服因可推而得焉鄭氏注儀禮制 補遺

也 取 廣 其長各半帶以東衣其下減尺餘皆為裳古 鄭 Ź 無幾若 尺所 注 天地然後 之合 經 寸衣帶下尺裳之見於外者 衣六者繡裳周衮冕九章亦 接於要中窓 知之矣鄭 無明文然二尺二寸之秋 掩裳 制 者 世袍 則 Ź _Ł 上際 釋之 氏誤 半為衣下半為裳 服長居 也買 買 解 孔之 疏 記支注云衣帶 大半 又推明必有衣要之 說 下雖有裳其見於 固 五章 加 無取 尚三尺五 뛺 如虞書 cļi 在衣四章 四 寸豐 寸 入 衣 也衣 业分

漢云凡衽者或殺而下或殺而上 世界に氏え 製而易垂之二尺五寸僅與有司紳齊其裳之下際亦 正 有二社矣二尺二寸之衣前後聯綴四衽旣已不成體 轉牽合有屬衣屬裳上下相變之 能揜且裳之前三幅後四幅周回圍裏兩旁斷不 **建見衽喪大記三衽三束漢時以衽為小要故注** 露亦何所用揜也葢鄭所以致誤者以拘泥士喪禮 尺矣以布三尺五寸為二衽則衣之後二幅亦當 有五寸以為屬於衣之下則此衣要卽衽之 為縫緝之名者有以為小要之稱者 人と一補遺 一是以小要取名焉 一說不知社之取

| 莞簟之稱者而衣碒乃其大號說文解字於衽字 禰之屬略與深衣制同今時婦人之衫內有揜碒當 交接裳 其三尺六寸與衽在領之下去闊中四寸當為三尺 氏必欲合之 今為二 人遺製則衣在 衣之制袂之廣二 以小要相接續故亦得 何邪衣必有殓 玉藻言深衣之 */* 寸者下空七寸以帶下有廣尺之轉 4 外惟衣裳為最在外之飾不與常 尺二寸大帶四尺帶下尺衣之 乃可古人之衣 **社名不必其同制也** 日社當旁 知朝祭之 如禪秴 以後 袍 相

事整散小 後之四幅下齊八尺身之兩旁已當包過後緊前之三 |葢衣裳||者皆在中衣之上前後裳幅當爲二事先繫 若硷皆在外質不必贅言之矣裳之制前三幅後四幅 於之上故得廣長當心賈著喪服之為外於知朝祭之 二尺六寸與婦人之服則衣裳相連喪服斬衰條鄭 無數文質異也其裳幅之長無文以衣帶記之帶之 更包兩菊而後也喪服之裳幅三狗祭服朝服則辞 **一种省市大型省高對社社則在衣之內以掩蔽裏衣** 宜當中也变服記衰長六寸博四寸賈釋云級於 一尺裳繋其下裳要當去四寸裳之幅其亦 一卷八桶道

皆不分明玉藻言深衣之制鄭以衽爲裳幅交裂其說 | 裳屬於衣而無要則|| 兩茐不能互相周抱故必屬社 更誤葢古制之失傳自康成時已然矣孔疏附會錯 名涤深衣之衣旣與裳連則上半截與朝祭之服同惟 用故其制應規矩連裳於衣故止名衣其長竟體故獨 别 鄭注以屬社為連屬裳之前後以鉤邊為曲器其 禮 婦人不殊衰裳瘦如男子袞下如深衣賈氏釋日 見裳其說是也深衣為士大夫在私朝及家居 在元端之下故其用取不費可以爲擯相軍旅之 內司服王后六服皆單言衣不言裳以連衣裳故

衣之程則必在勞玉藻言社當旁者即買所謂外矜交 各三幅斜齊向外其一邊縫合前後無煩細釋惟 於身茐也在內之揜碒廣約一 長以正氏い 不合處則有衽以鉤之所謂衽當旁者專言此一 惟前右畔之三幅則上 如今曲强交於狭下長則竟體袋用正幅六斜裁為 日續在者裳之後六幅及前左畔之三幅皆連於衣 中缝前後皆直下所謂質繩及踝以應直也左右 則前後各六幅上畔並屬於衣此六幅左右 る人補造 |連於衣之外矜下至於足續 一尺長止二尺五寸深衣 邊也

於裳之盡處也問喪篇云雞斯徒跣扱上衽鄭以爲深 衣之裳前公羊傳昭公受齊之信禮以衽受注亦以 其自要以下則內無衣身又無束帶其旁必開而不 一鉤邊者自要以上衣之衽交於衣身又有帶以東之 裳當前者是此三幅之裳上連衣狂通得稱狂 數記不言者文不備耳此四字解明而深衣之制 為裕謂寬裕其社裳之前右三幅接續此衣之衽 用鉤邊之制所謂鉤邊者裳前幅之邊必包過後幅 以鉤而連之所謂衽當旁也其相交處當有 47

世歴戦い |之美則見裼衣之美||而非見裘之美也又非裼衣之獨 門為不敬故裘上必有衣使可裼因名裼其色當與裘 喪禮之袒是也袒而脊衣日裼玉藻之言裼襲及大 加於裘而不加於葛也君衣狐白裘錦衣以裼之 之袒是也鄭注自明以其辭簡故後儒不知率多謬論 稱故曰裘之裼也見美也以在裘上故于裘著其所見 玉藻云表裘不入公門葢裘以為温家居之褻服入公 衣之美即裼也不恕此皮弁服使錦衣之美充於 **脊裼襲裼袒也袒而無衣曰肉袒覲禮侯氏肉袒及** 也錦衣之上香皮弁服左袒此皮弁服 18、補遺)則錦 射

覊無所致敬也弔之或裼或襲吉凶變也聘之或裼 | 褐襲之變賓則於太公之襲於射禮則小臣正贊之於 禮之袒不過袒露正服而其扱於面之右則同也聘禮 以盡飾為敬故裼也父母之前主於質故不裼也尸之 裼衣又有襲衣又有正服不可通矣裼以致敬在君前 即襲也喪之上肴錦衣錦衣上有正服孔疏謂裘上有 袂見裼衣也叉日凡檀裼者左對覲醴右肉袒而言也 士喪禮主人南面左袒扱諸面之右喪禮則當肉袒吉 文質變也聘禮注云裼者免上衣見裼衣日免者免 則襲於序坫之閒葢解其紐約免去左秧扱於

帶之右其事可俄頃為之也超者必偏向疑偏袒之 兄弟與昆弟有辨昆弟者專稱也兄弟則所指甚廣故 衣有條不紊亦不至如內蘊之無儀矣 是以光北人 國 兄弟傳曰小功以下為兄弟注云大功以上若皆在 可無疑也裼衣之美旣可外見而 禮喪服經文皆稱昆弟其記日兄弟皆在他邦 行禮所宜然禮以見美盡飾為敬非袒則不能見美 則親自親矣若不及知父母則固同財矣此猶 及知父母與兄弟居加 兄弟 大名う補地 -----**E** 等傳日何如則可謂 正服為對碒又是禪 加 同

弟降 跭 路. 之兄弟也又記云大夫公之昆弟大夫之子於兄 名者若言兄弟恐嫌本族亦無服此行文之 其不見者當是夫之從母之類記又云庶子為後者 其外祖父母從母舅無服疏云不言兄弟而顯寫親 が言 兄弟目其族親也是皆以兄弟統言族親也又案 等注云公弟猶言族親也記又云為人後者於兄 一稱兄弟也記叉云凡妾為私兄弟如邦人 等疏謂亦乘族親也記又云夫之所爲兄弟 ·疏謂妻從夫服已見上經今言從夫降一 云不得嗣為兄弟葢兄弟猶 注

斬度經九條父 雅釋親云父之黨為宗族母與妻之黨為兄弟婦之 謂爲公子之外祖父母從母總麻是外祖 經者所當 **云有從無服而有服公子之** 寫 婚兄弟壻之黨為姻兄弟兄弟之 加服 正服亦加服 知 业 妾為君亦義服 也 為人後者義服也 女子子在室為父正服也 地 諸侯為天子 也 女子子反在父ク 7稱其廣如此 君義服也 稱父 父為長 也母

亦同 母 於 也若承重 父 在 諸侯諸侯女嫁於大夫 服傅父卒然後為祖後者 大夫為國 如 同為所後者之妻義服也 一年經五條人 為祖 於臣也 母義服也 記祖父卒而后為 曾 斬 衰謂父有廢疾不 君 **祖高祖亦當斯衰注疏** 父卒為母正服也 也喪服小記 母 為長子從服也 (則並 與諸侯為兄弟者 服 不降! 可 斬注疏有天子諸 承 又有一 糙 服如朱光宗 同於諸侯為 11111 一年高曾 母如 妾爲君之長 母 斬

言言の子名以 齊衰杖期程四條父在為母降服也厭降妻正服也 後者為庶母可也為祖庶母可也與古禮不合不可 子父卒為君母又繼母為長子案喪服小記為慈母 於諸侯諸侯之女嫁於大夫父卒爲母三年大戴庶 義服也 從 父没大夫之適子為妻案注疏有子為嫁母一條與 注疏昶父在適孫爲祖母又士之庶子父在爲母 出妻之子爲母亦降服也以出降繼母嫁從爲之服 注疏大夫士庶子父卒為所生母叉天子之女嫁 をう補遺 憲

本分言 後者為其父母降服也 服也 之庶子為適昆弟 衰服也 母加服 也 不合不可從 也 無主者本服也 期經二十二條祖父母正服也 衆子亦正服也 妾為女君義服也 為昆弟之為父後者 北 為夫之君從服也 大夫之適子為妻厭降也 同足弟條 為君之父母妻長子祖父母從 女子子適人者為父母降 昆弟之子報服 同昆弟條 適孫加服也 為舅姑從服也 姑姊妹女子子適 也 世父母 繼父同居 昆弟正 爲

齊衰三月經十一條寄公為所寓義服也 丈夫婦 皇姑 也 為命婦而無主者皆本服也 大夫為祖父母適孫 又世子為妻與大夫之適子同服問公子之妻為其 孫服問大夫適子為君夫人太子小記女未練而反 用禮諸侯及畿內之臣為王后注疏有適曾孫適元 父母子昆弟昆弟之子為大夫者 爲士者同 之昆弟之子報服也 女子子為祖父母本服也 一大老人補道 公妾以及士妾為父母亦本服 公妾大夫之妾為其子本服 大夫之子爲世 姑姊妹女子

大功九月經十六條姑姊妹女子子適人者 為宗子同上條 注疏畿內之民為天子同上條 大夫在外其妻長子為舊國君 為宗子宗子之母妻加服也 祖父母正版也 大功九月七月經九條於庶人從為國君 人為國君正義服也 者為其昆弟 女子子適人者為眾昆弟 大夫不降 繼父不同居者義服也 為舊君君之母妻 女子嫁不降 舊君義服 內宗五屬之女幏 姪 爲人 也 個 庶

降服也 姊妹女子子嫁於國君者則以尊同而不降也 人者 弟大夫之庶子爲母妻 子公昆弟為姑姊妹女子子嫁於大夫者 從服也 為世叔父母子昆弟昆弟之子為士者 **稻栽小** 大卷大補遺 衰旣葬除之經一條諸侯之大夫為天子義服也 夫之祖父母世叔父母 服小記夫為人後者其妻為舅姑大功 女子子嫁者未嫁者為世叔父母姑姊妹皆 為從父昆弟之為大夫者 從父昆弟 庶孫正服也 為夫之昆弟之婦人 大夫之妾為君之庶 適 大夫大夫妻 婦加服 公之庶昆

小功五月 成人十三條從祖祖父母 降長殤二等也 後者為其昆弟 從父昆弟 夫之权父 夫之昆弟之子女子子皆以下殤降二等也 為 昆弟大夫之子為昆弟庶子姑姊妹女子子則以尊 子爲適昆弟 大夫之妾為庶子皆以長殤降一等也 大夫公 庶婦正服也 從父姊妹孫適人者 姊妹適人者 大夫之妾為庶子適人者皆以 殤十二條权父 適孫 爲姑姊妹女子子昆弟之子女子子 從祖父母 昆弟 為人後者 從祖昆弟 **姪庶孫**

無麻一 姑姊妹 **尊**降 故降二等也 一等也 人二十四條 殤降二 已者皆 夫大夫子公昆弟為從 等也 庶孫 殤 也 從父昆弟之子 等也 八條從祖父從祖昆 加 族曾祖 服 君 姑 寫 姊妹 母之父母從 從父昆弟姪 业 外.꿴. 父母 父母 女子子適士 之 昆弟之 父昆弟庶孫 姊 母從服 族祖父母 從 弟 夫之叔父 ·毋 2孫皆 娣 者以尊又出 也 從 姒婦義服 為 世 子為 庶

喪服大功章大夫之妾爲君之庶子女子子嫁者未嫁 正服也 諸祖父母 **喪服小記士妾有子而為之緦無子則已** 之妻皆義服也 母昆弟皆以名服也 子為父後者為其母厭降也 一等也 族昆弟 喪服大功章爛簡 外孫 從祖姑姊妹適人者 君母之兄弟皆從服也 庶孫之婦 妻之父母 甥 貴臣貴妾 壻 從祖昆弟之子 姑之子皆報服也 士為庶母 舅 父之姑皆以出隆 舅之子 乳母從 曾孫皆 庶

者為世父母叔父母姑姊妹鄭氏分為一 文成法立其例自然不亂下言云云通傳亦無此例疏 子子嫁者未嫁者為曾祖父母為例且傳文釋嫁者未 為其父母降期葢以不貳 大功也下十六字文爛在下此通會前後交勢不得 為鄭君置之抑或舊釋經者注於其下後人誤作 者前後並同此亦較然可見矣經文雖不必有例然 此文不通考前後經文故耳夫注以齊衰三月章女 連於傳文故鄭以為不辭也且經言女子子之服惟 然非好以已意為說也後之說經者痛加詆斥盡 アムとアー 人民ノ補道 斬故不杖期章女子子為 是 一條謂傳文何

皆不降其祖矣爲昆弟之父後者則亦降矣此條言 黨服爲君之庶子在此章爲君之庶子適人者在小功 父母齊衰三月章女子子嫁者未嫁者為曾祖父母 章此章不必復言嫁者未嫁者矣若妄為已之私親 見故補記之也然則鄭氏之 以得為其子遂得為其父母遂釋之此章何不言得 當言其以别之且不杖期章言為其子為其父母傳 **嫁則鄭氏逆降之說亦不得不然矣至於妾爲君** 子於世叔父母亦但以出降一等也傳旣言成人 私親遂邪記云凡妾為私兄弟如邦人正以經文不 HG

同 故止 也 財且或有昆弟絕屬者不幸歸宗世叔父母尚可 雖 者當服小功矣世叔父母與姑姊妹 衍也下 同然姑姊妹又適他族較之世叔父母有閒大 以出降不以尊降與為昆弟之為父後者 女子子未有與世叔父母連文者以是知其 則疑是衍 溢 一條大夫之妻為姑姊妹 言姑姊妹者八皆與女子 文基因下 八補遺 嫁於大夫 姑 姊妹 桐

醋酢二 旣夕篇朝一 分升之一此以百二十斤為 八錢矣古八錢當今二錢六分無乃太少乎 此醯酢之酢也去聲酸字下云酢也識字酸字下並 脫去一升二字葢以意疑食粥之米不當一升有零 不知古量之小也古一升僅十九兩二錢如其說止 兩陳氏不達此義訓禮記一溢米為二十四分升之 酉昔聲此酬醋之酷也入聲酢字下云醶也从酉乍 字經典多混說文酉部酷字下云客酌主人也 醋酢 溢米注謂溢二十兩為米一升又二十四 石析之為一千九百

云酢浆也今以酢為酬醋之 に変したへ 今百二十一里六十步四尺二寸二分注云或言周尺 四寸今以周尺六尺四寸為步則一步有五十二 |酢讀作去聲音義俱相反矣 者百畝當今東田百四十六畝三十步古者百里當 制古者以周尺八尺為步今以周尺六尺四寸為步 寸則步更為八八六十四寸以此計之古者百畝 云古者八寸為尺今以 五十六畝二十五步古者百里當今百二十五里 周 尺 で、一補 遗 周尺八寸為步則一步有六 讀作 尸

資算之 是今步比古步每步剩出一十二寸以此計之 非十二寸也此處算法不必細問尺之大小但以步 絲毫不爽足見其精但以古今尺折成十寸立法 **率除之即得四率今田之數下算里步亦依此法以古** 步古里乘之今步除之便得今里鄭注所算畝數里 皆不相應謹案以六尺四寸相乘當得積四十尺 寸六分非五十二寸也每步剩出二十三寸零四分 二率古田為三率今田為四率二率與三率乘之 同乘異除之法也其法以今步積為 即得古今多少之數梅氏日當用三率互視法 率古步積 河則與

声型と 陰爻不動其數皆 襄九年傳穆姜薨於東宮始往而筮之遇艮之八杜云 不合更可晒也 泰之八章云遇泰無動爻筮為侯泰三至五震爲侯 動故日皆八謂爻無為也董因又對文公元臣從 震在屯為貞在豫為梅八謂震兩陰爻在貞在悔皆 易皆以七八為占故云遇艮之八晉語公子筮尚 疏所算畝數里數件誤已 國得貞屯悔豫皆八章云內曰貞外日悔得屯豫 占筮 えい補遺 八故得泰之八與貞屯悔豫皆 甚陳氏澔正之而其算亦 己

所占爻適遇陰也三代占法雖殊]而揲蓍之數九 屯之三爻豫之上爻 其當占此交無可疑者惟貞 同 香糸 僖 皆 之說也其日 蓮 卦則是初签得屯再签得豫而非一签得屯之 以震言震難以 案二 뻼 同左傳言艮之鼈 也其傳 7 一易以七八為 屯為 貢在豫為梅則是以內卦為 整 八謂爱兩陰爻在真 也而非如朱蔡氏本卦為貞之卦 也其獨以此二 陽為主然三畫之卦皆至末 則五爻皆九與六獨二 占此三條皆言八不言七 屯梅豫依章注云得屯 一爻占者复為侯 在梅肯不動者謂 一真外卦 一爻遇 寫

出出 釋之則或二 之八當依貞屯悔豫皆八之例以泰卦五爻為言 一陰爻言之不如直指五爻之為確也 遇泰無動爻者因下有是謂天地配亨小往 以卦辭為占而二卦卦辭皆有利建侯故占之亦非 占此所以不云七而云八也司空季子以周易占 也至董 問易為占也其謂陰爻不動其數皆八則泛指泰 子明蓍策所云三爻變則占本卦及之卦象辭之 成故不以屯初奪四一 因得泰之八亦以互體震卦為占其日得 一卦六爻皆不變或二 不老八補遺 一陽爻寫占而以二 卦變爻不 里 陰

筮者之 論變占非易辭也程 秋昭六年 射共元王中厥目此或三易之辭也至閔二 獲其雄狐成十六年晉救鄭筮之其卦遇復 生筮之遇大有之乾 桂 五年秦伐晉筮之其卦遇蠱曰干乘三去三去 一辭甚確葢既日遇大有之乾則用周易矣且蟲 述卦解之後皆有斷語 豫章 傳楚使蓬洩伐徐 氏迥以為此二 日同復於父敬如君所注以為 而此獨無之 易之 新在 谯國 心解非也 一令尹子夢 國城 知筮者 一年成季 日南 図 帥

與注旗章漢東 案春秋傳豫章凡五見杜解於昭十一與注旗章漢東 案春秋傳豫章凡五見杜解於昭十一時冬蔡侯吳子唐侯伐楚舍舟於淮汭自豫章與楚縣集令十月吳軍楚師於豫章敗之遂圍巢克之四 瓦 人 使 房 國 日 以 師 臨 我 张 夾漢章 4 局舒國鸠 **武指窜**之 傳秋 日以師臨我不可以師還定二年使 其五 師 帥 吳注 江役見注地房 北吳舟定 八見舟於豫章注 我 傳. 左. 准人於 桐叛楚吳子使舒鸠氏誘禁一司馬戍右司馬稽師師敢弦 伐 桐為我使之無忌 南升章楚 葢於而人 後淮潛代 楚 徙汭師吳 伐傷 桐將 在而於師 江自巢於 μ_j 南葉以豫 豫章軍章 秋楚靈 Įij. 章與楚吳 华

地當 年傳兼及定二 **国型公本目** 中 四 加 年 戦 所載地名其漫無界限者如晉之南陽東陽陰地 河山為名也 得因略據地望作此解也然其說似太汗漫 解日豫章漢東江北地名兩處遷就葢杜 在今湖北應 北漢東言之則其別南北五六百里東西千餘 事皆實指其地名未有統與其地勢者若疑以 也若豫章則既不因山河得名叉非藪澤且傳中 以豫章此似不可通矣今取諸傅案之竊意 一年四年傳日此皆當在江北淮 外此如楚之雲夢跨江南北 え 山隨州之間可言漢東亦可 水 求 凡傳 南 地

連文故云江北不知吳東楚西相距甚遠至昭公時吳 章為自徐還楚必由之路其去徐雖遠而吳之要楚 必與豫章附近也十三年傳敗諸豫章獲其五帥者豫 豫章爲大軍駐劄之地乾谿之次特偏師渡淮前進 **吴楚交兵重地其昭六年傳師於豫章而次於乾谿者** Tu 在漢之東淮之南吳舟師必由淮出義陽之 多型後人 與 由淮 食差地自東而西靡有紀極但西不越漢耳而豫章 果伏兵於此出其不意而敗之獲之也三十一年救 一無涉也杜以與乾谿徐連交故云淮南以與巢 水自東而西直至信陽南下豫章之地必有 る人補遺 置 一關則尤為

苉之師甫及豫章 1000年 巢未克襄二十五年諸樊攻巢為巢牛臣所殺昭二 見舟若巢則與豫章相去東西七百餘里吳之多方 桐當 見舟豫章誘楚於西 四年大師滅巢二 一年之見舟於豫章而潛師於集豫章與准逼近 其意全在取巢葢巢為吳楚陽要地自成十七 視耽耽志在必取度楚亦守之甚力故借桐叛之 必與豫章 Ź 十五年傳楚復使熊相祺郭巢吳之 而吳人即還者用子胥之謀也至 而潛師於東遂取巢邑也知乾 亦當在德安界內杜 而淮南江北之說 뷥

医型般人 隨 舒鳩誘楚者意楚東境遼遠吳焰甚張廬江 重兵問舒塢吳人取桐之言遂撒兵而西至於豫章 調吳僞畏楚而伐楚之叛國以取媚此自弱國欺 術吳於此時猖獗已極畏楚媚楚之說誰其信之 兵西出 豫章之汭水此八大 文解義案之事情胥失之矣 一
水至此入湖故日豫章之汭漢豫章郡當 一十四年楚子爲舟 似去漢太遠吳使誘楚云我伐桐伐之亦是取 取桐則楚不備巢所謂使之無忌也必欲使 一名「補遺 師 水水 以略吳 處北 亦日汭 疆越大夫胥犴勞 此當在鄱 帶必宿 陽 国 界

名 定 濟漢而陳自小别至於大别杜解云禹貢漢水至大别 無之故也然如杜說則文義不協例亦不符不知此 足以見書序之偽不當訓為人名也 唐語伯禽之命並逸書也杜解不以為書名者以書 三十二 四年傳吳伐楚舍舟於淮汭自豫章與楚夾漢子常 與此豫章實屬風馬也大事表以豫章寫寬大之 併此亦合寫 小别大别 唐語伯禽之命 則此一 ライフ THE RESIDENCE OF THE PARTY OF T **殆揚其波而失之愈遠者與** 一别在江夏界正義云小别當在大

漸 序戰事也下云三戰乃言與吳戰之事其戰地皆在 楚夾漢杜云豫章漢東江北地葢吳軍漢東楚軍漢 故司馬戍云子沿漢而與之上下也子常聽史皇之言 基型哉し 别以東非自小别退至大别也元和志云小别山在 之東何則子常從小别與吳戰 退而至大别明自東 西也謹案小别當在大別西疏說誤也吳自豫章與 孔所言東西正相反矣葢自漢志誤以大别為在 縣東南五十里又云魯山一名大别山案汶川今寫 、縣魯山即水經注所云古翼際山也在漢陽縣 不多人稱遺 果 तिप्र 西

能確指其處酈道元亦未指魯山為大别至元和志始 豐西南鄭氏從之杜氏雖知在江夏不在安豐而亦未 言之孔以意而言又錯會傳文所以失之也 古樂之心久矣其制之存者見於鼻陶謨夏擊鳴球 笙閒合樂之禮備矣論語言樂者二章其日關雎之 升歌也翕合也謂堂上瑟聲與歌聲合也日從之則 謂合樂也而子語魯太師 知樂有堂上堂下之分也至儀禮鄉飲禮燕禮 八以後三節矣日純如者謂笙入三終也三笙 論語論樂 アラ 一節尤為明畫日始作者 ıπ

聖經識小 老人補遺 堂上 為 釋魚云鯉鱣鰋鮎鱧鯇鯊鮀皆 葛 歌樂與衆聲齊作纍纍如貫珠也至是工告正樂備 入閒合次序並同舍是節次而泛言音律皆如夢誕矣 如者謂合樂三終也堂上歌關睢則笙吹鵲巢應之 解皆同郭注以首六字分為六魚葢據其時目點而 聲純 單則笙吹采蘩應之歌卷耳則笙吹采蘋應之其時 一終矣天子諸侯之禮升歌或以須或以大雅而 歌之後閒以堂下 和非如堂上之清也日皦如者謂問歌三 魚二名 一吹明晰而不雜亂也日 . 魚而二名也故舍 E 而

鱣字詩凡三見碩人傳云鱣鯉也潛傳云鱣大鯉 時俗之名以折古人未為得也謹案詩毛傳云鰋鮎 與 分之也然璞去古已遠千餘年後名目不能不變據 月笼亦云鱧鯉也是鱣之為鯉毛鄭並同鱧之為熊亦 鯉鱸鰋鮎鯊鮵等矣今所傳定本毛傳訓鯉爲鯛 與世不協益自晉及唐其去古益遠目驗愈不足據 是六魚之名則毛傳仍當作體鯇也又云今目驗毛 注同然案正義云編檢諸本或作鱧鍾或作鯉鯇 且爾雅一書草木蟲魚以下皆是二名互釋無 及前儒皆以鮎釋鰋鱧為鯢鱣為鯉唯郭注 也 與 爾

舉 脚 之傳以經言毳衣之色故以雖釋之其日蘆之初生戴 使毛以茂菼為 **葭菼為** 之當選也 是亚我人 非也疏引大車傳云葵雕也蘆之初生則毛意亦以 雅釋草莨華兼藤葭蘆変薍李巡云分别葦類之黑 也豳風入月茬葦傳云蔵為茬葭為葦尤截然分明 字之名上下無所附屬者以體例求之盆知毛傳 **葭炎蒹葭藿葦** 一草此义仍孔疏之誤而不察矣謹案衛風葭 长人稱遺 一草何以數處皆如是明析乎惟大車

荻長 ヨニ 者葭笺云記蘆始出者是也郭氏謂南此一草初生 與峎並與爾雅茛華兼藤茛蘆菼薍並列說文兼字 則 氏 i 種之 調爐 初 則名為華其說是也爾雅郭注葭葵複然不混義蔗 似 大為就成則名為茬俗名為荻說文剪字注云茬 Ę 未秀者 **崔而細似與茬别陸璣疏亦以為水草然案詩** 乃在之譌者是也在字據說文从艸在聲字當 日献 爾雅毛傳皆以音之協者釋之 則兼即葵矣葢崀華葮蘆蒹糜六字 日雕豳風孔疏初生為葭長大為蘆 解

掌經識小 卷入補遗			葦詩人之詠亦皆以類從耳	一為道也言其初生則日葭菼蒹葭言其旣成則日萑
		男培紫敬鐫		蒹葭言其旣成則日萑

奉經識小卷入					